

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 21. Character veri Christiani

urn:nbn:de:hbz:466:1-9969

doceat, dicente Christo, cum de his loquitur. *Nolite timere pusillus gress. Luc. 12. 32.* Quæ est igitur tanta hominum insania, ut potius miseri in æternum, quam felices esse velint? Quis in ardentissima siti labris poculum admoveret si vel levissimam suspicionem haberet admixti veneni? & tamen passim committuntur peccata quibus luendis æternum ignem succensum esse non suspicio non opinio sed fides certissima est. Tam horribilis dementiae causam veræ fidei defectui plerique adscribunt, quod licet in multis verissimum esse certa experientia constet; hoc tamen in plurimis defectui attentionis & considerationis tribuendum videtur. Quamvis enim credant infernum esse, neminemque damnari nisi in hac vita volens, & lubens locum sibi in tormentis peccando præparet, hujus tamen veritatis statim obliviscuntur, si quidem phantasia bono sensibili affixa, sensuumque voluptate obbrutescens, omnem aditum claudit futurorum considerationi, nec finit intellectum advertere in quam horrendam perpetuoque duraturam amaritudinem carnis delectationes desinant, & quam facile nobis sit in hujus vitæ momento futuram calamitatem evadere, & gaudia sempiterna adipisci. Atque utinam haec homines saperent, & intelligerent, ac novissima providerent, nam cum proprium sit hominis cogitare, & meditari, ordo cogitationis est, ut in suo fine cognoscendo mens ante omnia occupetur. Omnem errorem, & ignorantiam superat, negligere hominem salutem suam.

§. XXI. Character veri Christiani.

Homo Christianus est, qui Christi fidem, & legem profitetur, ejusque vitam, & virtutes imitatur. Hoc nimirum à nobis exigit Christianæ fidei professio, ut omnia terrena transcendentes vivamus vitâ divinâ. *Apparuit, ad Titum 2. 11.* inquit Apostolus, *gratia Dei Salvatoris nostri omnibus hominibus erudiens nos, ut abnegantes impietatem & secularia desideria, sobrie & justè & piè vivamus in hoc saeculo, expectantes beatam spem & adventum gloriae*

magni Dei & Salvatoris nostri Iesu Christi , qui dedit semet ipsum pro nobis , ut nos redimeret ab omni iniuitate & mundaret sibi populum acceptabilem , sectatorem bonorum operum . Sicut doctor vocari nequit , qui literis præditus non est , nec exercitum ducere potest , qui nescit arma tractare ; nec artificis nomen assumit , qui artis peritiam non habet : ita Christianus dici non potest , qui Christi sectator non est . Veri ergo Christiani sumus , qui abnegatis saceruli desideriis Deum solum amant totis viribus , totâ virtute , ac proximum in Deo & propter Deum , nihil in eo quærentes nisi Deum & nemini se præferentes , quia in generazione gratiæ omnes æquales sunt : qui sobriè & justè viventes , ita in cunctis se gerunt , ut nihil in eis appareat quod possit offendere intuentes : qui bonis exterioribus sicut ægri pharmaco utuntur , nihil apetentes quod ab alio possit auferri : qui nemini placere appetunt , nemini timent displicere , nisi Deo : qui corpus suum oderunt tanquam corpus peccati , ipsumque jugiter castigant , ne insolescat : qui firmam in omnibus constantiam servant & universo mundo celsiores nullis minis , nullis persecutionibus , aut contumeliis terrori possunt , aut commoveri : qui iam in prosperis , quam in adversis eadem fruuntur mentis serenitate , nec unquam à lumine veritatis recedunt : qui desiderio futurorum damnant præsentia , & ex fide , spe & charitate viventes credunt quod nondum vident , sperant quod nondum tenent , optant quod nondum possident : qui Deum ita amant , ut nullum pro illo labore , nullum periculum subterfugere parati sint , etiam si nullum pro ejus gloria certantibus præmium propositum esset : qui divinæ misericordiæ & propriæ conscientiæ fiducia regnum Dei expectantes , dicere possunt cum Apostolo , Bonum certamen certavi , cursum consummavi , fidem servavi , de reliquo reposita est mihi corona iustitiae , quam reddet mihi Dominus in illum diem justus index . 2. Tim . 4. 7 . Gaudent cum digni sunt pro nomine Jesu contumeliam parti , eumque diem se perdidisse credunt , in quo nihil pro Christo passi

sunt. Eorum gloria , felicitas , sapientia in his consistit , quæ à mundo ignominia , miseria & insania æstimantur. Carnalis prudentia falsa principia detestantur , oportere nimis divitiis affluere , à nemine sperni , super omnes eminere : fidei vero veritates sectantur docentis opes contemnere , abnegare seipsum & in nulla re gloriari , nisi in cruce Domini nostri Jesu Christi. Denique in omni vitæ ratione ita se gerunt , ac si omnibus eorum sermo & operatio clamarent , *Regnum meum non est de hoc mundo. Ioan. 18. 36.* Alta quidem & difficultia hæc sunt , sed regnum Dei vim patitur , idque omni conatu dignum est , quod non nisi à vim inferentibus possidetur.

§. X XII. *Quomodo debeat Christianus opera sua perficere.*

Debet Christianus omnia opera sua in pace & mansuetudine perficere & ad omnes rei , vel negotii circumstantias attendere , ad locum , ad tempus , ad personas & præcipue ad finem. Cavebit autem à præcipiti celeritate quæ repentina potius naturæ impetu , quam ratione & divinæ gratiæ motione ad agendum impellit. Cavebit ab inconstantia & levitate animi , ad diversa & inutilia facile evagantis ut præsentior sibi sit & aptior ad Dei illustrationes recipiendas , quibus statim & alatriter parebit. Quicquid sibi agendum erit , serio advertet ne animo præoccupato aggrediatur , alioquin in rebus discernendis cœcutiet & multa illi excent , de quibus merito accusari poterit & reprehendi. Cujusque actionis initio opem & lumen à Deo petet ; tum sedulo examinabit quam partem in illa habeat Deus quam ipse sibi vindicet : in progressu animadverteret , ne delectatio , & complacentia mentem alliciat , & à proposito fine amoveat : in fine cavebit ne sensim subrepens inanis gloria quicquid bene peractum est , vitiet & contaminet. Hoc autem præcipue si xum animo habebit ne hominum laudes , sed Dei gloriam quærat , & ad nihil suum respiciens elatas cogitationes in semine suffocabit. Nulli negotio externo se ingeret , nisi vocatus à Deo. Tunc vero prompto animo obedier